


BIBLIOTEKA
Zakl. Nar. im. Ossolińskich


XVI

3208

MF

85







573
ELEGIA
DE GLORIOSA
RESVRRECTIONE DO-
MINI IESV CHRISTI, SALVATORIS
NOSTRI: ET ASCENSIONE IN COE-
LVM. DEQVE MISSIONE SPI-
RITVS SANCTI IN APO-
STOLOS.

AD MAGNIFICVM DOMINVM,
D. STANISLAVM LASSOCKI, SVCCA-
MERARIVM TERRÆ LANCICIEN-
SIS, &c. SCRIPTA

A
MATHIA VNCTORIO.

AD ROMA: XIII.

*Siue uiuimus, siue morimur, Domini sumus: In hoc enim
Christus mortuus est, & resurrexit, Vt mortuis & ui-
uentibus dominaretur.*

CRACOVIAE
LAZARVS ANDREÆ IMPRESSIT.

Anno à redempto mundo,
M. D. LXI.

MAGNIFICO AC GENERO-
SO DOMINO, D. STANISLAO LASSO-
CKI, SVCCAMERARIO TERRÆ LAN-
CICIENSIS, DOMINO SVO SVMMÆ
OBSERVANTIA COLENDIS-
SIMO.

Nobilis & Generose Baro noua gloria Phœbi,
Ecce salutatum te mea Musa venit.
Annua nam cecinit multos celebrata per annos
Festa, quibus Christus clara trophæa tulit.
Hæc precor vt multis virtutum dotibus auctus,
Suscipias animo munera grata tuo.

VESTRÆ MAGNI-
FICENTIÆ

ADDICTISSIMVS



MATHIAS VN-
CTORIVS.

XVI-Q. 3208

E L E G I A
DE GLORIOSA RESVRRECTIONE DOMINI IESV CHRISTI, SALVATORIS nostri: Et Ascensione in cœlum: Deq; missione Spiritus Sancti in Apostolos.

Dulce redit tempus, sua dum sol climata vertit,
Frigora mitescunt, gramine gaudet humus.
Quo solet hîc nobis meditari Ecclesia Iesu,
Ἀὔρηον, quod verè natus in orbe tulit.
Cœlestis soboles sanctissima patris imago,
Factus homo soluit debita λύτρα patri.
Hic promissus Adæ, peragit mandata parentis,
In mundo existens & fit ad astra via.
Quod referunt veterum signis miracula passim,
Atq; ea promittit voce tonante Deus.
Ecce dies veniet, quo uincula tristitia legis,
Prædæ cessabunt, sæua Barathra tuæ.
Cessarunt, cunctos famulos dum faucibus Orci
Eripit, & tollit quicquid ad ima ruit.
Vt Iacobæa domus Pharaonis pergraue tollit,
Sic Sathanæ Christus frangit & ipse, iugum.
Æthereas magna sedes bonitate relinquens,
Nascitur, & frangit fortia septa lupi.
Alis ac veluti passis gallina nouellos
Defendit pullos, sic cruce Christus agit
Legibus à Stygijs, spoliata sede Draconis,
Infantes animas duxit ad astra patrum.

a ij Hæc

Hæc igitur benefacta tonantis voce sonemus,
Atq; pios demus mente fidēq; sonos.
Clara dies lucem referens vbi tertia fulsit,
Lux redijt mundo, carnēq; viuus adest.
Obtulit & surgens Mariæ se charus alumnae,
Quæ retulit Dominum viuere discipulis.
Sic simili studio dominum vidēre Mariæ:
A' dextris iuuenem qui monumenta tenet.
Angelus hic domini summo descendit Olympo,
Et tumuli lapidem voluit ab ore pijs.
Hunc pauide trepidant, quos hic solatur et inquit:
Surrexit dominus, ponite corde metum.
Ecce locus fuerunt vbi membra recondita Iesu,
Surrexit victor, Tartara dura fregit.
Sed vos ite bonis hæc nuncia læta referte
Discipulis, simul & sint quoq; nota Petro.
Præmus it vobis Galilæas Christus in oras,
Ceu quondam præsens dixerat ille suis.
Discipulis referunt dum nuncia, credere nolunt,
Ac phantasma putant hocce fuisse leue.
Sed Petrus tumulum studiosus currit ad altum,
Signaq; miratur dum videt ipse locum.
Et gaudet reputans secum de morte triumphos,
Lætior atq; refert ad sua tecta pedem.
Visus & est posthac uenientibus ille redemptor,
In pago cupidis noscitur ipse Deus.
Hunc optāt dominū, quem fracto pane notarant,
Vtq; velit secum tecta subire petunt.

Omnibus

Omnibus hinc notis se præbuit ipse videntium,
Et clausis foribus nobile ad agmen adit.
Viuerē se monstrat, caro sic testantur & ossa,
Nec spectri specie ludere discipulos.
Pluribus utq; fidem iam possent credere fecit.
Dum Thomæ monstrat ritte videre latus.
Quadraginta dies ipsis sua dogmata verbi
Explicat, hinc iterum scandit ad astra poli.
Ut testes veri verbi sint atq; Magistri,
Expectare iubet dona parentis eos.
Dum timuere metu, clamant hi vocibus altis,
Promissa ardenti pectore dona petunt.
O Deus omnipotens qui corda fidelia nosti,
Ipse tuo sancto pneumate corda regas.
Tu λόγος æterno natus patre in auxilio sis,
Illustra donis pectora nostra tuis.
A patre procedens & gnato gloria nostra,
Expectate Deus SPIRITVS ALme veni.
Et subito factus sonitus tanquam vehementis
Flatus, completur turba domusq; simul.
Hinc cernunt linguas sectas atq; igne micantes
Dona quibus tulerat Spiritus ipse Dei.
Omnes tunc celebrant vere magnalia Christo,
Et referunt alijs facta stupenda boni.
En veniunt ex vrbe statim qui uoce tremebant,
Qui cupiunt miræ gesta videre rei.
Mirantur trepidi dum sic miracula promunt,
Edocti nullis artibus ante viri.

Talia cernentes Galilæos verba fatentur:
Audimus vera cuncta probare fide.
Tunc Petrus in medio fratrum pius ora resoluit,
Et summi docuit verba parentis eos.
Miracula & faciunt Christi virtute stupenda,
Mandata & faciunt & pia iussa Dei.
Effrenem populum multos docuere per annos,
Sic faciunt coetus agmina magna pii.
In patris & gnati, sancti quoque nomina Flatus,
Gaudentes hominum pectora foeda lauant,
Quo pia posteritas purgat contagia Massæ,
Sordida quæ culpa est facta parentis Adæ.
Ac humeris Stygium patres de puluere nati
Deiciunt agni sanguine quisque iugum.
Hoc igitur Christus paruo iunxit grege mundum,
Muneribusque nouis auxit ouile suum.
Quo nos Christe tui diuini serua ob amorem
Nominis, & facias prospera cuncta dari.
Nunc tibi Christe Deus cœlestis imago parētis,
Ingentes grates soluimus ecce tibi.
Qui genus humanum redimens ne morte periret
Colligis hic turbam sanguine Christe tuam.
Viribus humanis haud est Ecclesia tuta,
Ni sit præsidio Christe decora tuo.
Inque ea doctores firmas, aliosque prophetas,
Qui faciunt doctum semper ouile tuum.
Namque inter nutat medios hæc iusta Tyrannos,
Firmiter at constat dum tua dextra fauet.

Ergo

Ergo ipsam tuearis tu Rex vnice Christe,
 Floreat in terris vt sine fine tibi.
 Serues ne fuci rodant hæc munera vitæ,
 Qui quæstum semper non tua regna canunt.
 Salua relliquias nostras, paruamq; Sareptam :
 Et sarcire uelis hic tua regna λόγος.
 Confisiq; tua prece Rex ô Christe Sacerdos,
 A' supero petimus cuncta parente regi.
 Eripias petimus de nostro corpore curas,
 Atq; tuo in terris Flamine corda regas.
 Quare hodie grate tribuantur laudis honores,
 Exemplo sient annua festa pijs.
 Quod pater & tu Gnate Dei, sic Spiritus alte,
 Vere da famulis dona referre fide.
 Sic tibi foecundos cultori vinea foetus,
 Dulcia vina feret, dulcia grana Deo.

Τῷ Θεῷ μὲν δόξα.

¶ A conditione mundi usq; ad primum pascha in exitu Israëlitarum ex
 Aegypto celebratum, & primam Pentecosten, in qua lex Dei in monte
 Sinai promulgata est, elapsi sunt anni 2453. A primo Paschate
 uel a prima pentecoste ueteris testamenti, uel promulgatione legis, quæ so
 die ab exitu de Aegypto facta est, usq; ad primum pascha seu ad penteco
 sten noui testamenti, in qua Spiritus sanctus in Apostolos effusus est, qui est
 flamma ὑψιστάτης ab eterno Patre & Filio domino nostro Iesu Christo,
 numerantur anni 1543. A primo paschate seu ab exitu, ad natum
 Christum 1509. Anno mundi 3963. Ad passionem seu agni pro
 nobis immolati, Anni 1543. Scribitur eo die creatos esse Adam et He
 uam, quo Christus in Cruce p nobis uictima factus est, ante annos 5523,
 Martij 25. A primo paschate seu ab exitu ex Aegypto, usq; ad hunc annu
 a nato Christo 1561, præterierunt anni 3070.



N. Anna
S. 1



6442

6.6

